

## **К ОПУБЛИКОВАНИЮ**

**КОМИ РЕСПУБЛИКАСА ЮРАЛЫСЬЛӨН**

**ИНДӨД**

**“Содтөд дасьлун режим пыртөм йылысь”**

**Коми Республикаса Юралысьлөн 2020 во рака төлысь 15 лунся 16 №-а**

**Индөдө вежсьөмьяс пыртөм йылысь**

“Выль коронавирүснөй инфекция (COVID-19) паськалөмкөд йитөдын Россия Федерация мутасын олысьяслысь санитарно-эпидемиологическөй бур оланногсө могмөдан мераяс йылысь” Россия Федерацияса Президентлөн 2020 во косму төлысь 2 лунся 239 №-а Индөд серти, Коми Республика мутасө выль коронавирүснөй инфекция воан да сылөн паськавны верман грөзкөд йитөдын шуа:

1. Пыртны “Содтөд дасьлун режим пыртөм йылысь” Коми Республикаса Юралысьлөн 2020 во рака төлысь 15 лунся 16 №-а Индөдө вежсьөмьяс содтөд серти.

2. Тайө Индөдыс вынсялө сійөс официальнөй йөзөдан лунсянь.

Коми Республикаса Юралысьлысь

могьяс недыр кадколастө збыльмөдысь

В. Уйба

Сыктывкар

2020 вося косму төлысь 3 лун

24 №

Коми Республикаса Юралысьлӧн  
2020 во косму тӧлысь 3 лунся 24 №-а Индӧд дорӧ  
СОДТӐД

“Содтӧд дасьлун режим пыртӧм йылысь” Коми Республикаса Юралысьлӧн  
2020 во рака тӧлысь 15 лунся 16 №-а Индӧдӧ пыртӧм

### **ВЕЖСЬӐМЪЯС**

“Содтӧд дасьлун режим пыртӧм йылысь” Коми Республикаса  
Юралысьлӧн 2020 во рака тӧлысь 15 лунся 16 №-а Индӧдын:

1) водзкыв гижны тадзи:

“Сы могысь, медым лоны вермана неминучаяс артмигӧн, кутшӧмъяс йитчӧмаӧсь Коми Республика мутасӧ выль коронавируснӧй инфекция (COVID-19) воан да сылӧн паськавны верман грӧзкӧд йитӧдын, кыпӧдны Неминучаясысь ӧлӧдан да найӧс бырӧдан ӧтувья канму системалӧн Коми республиканскӧй системаувса веськӧдлан органьяслысь, вынъяслысь да средствояслысь уджавны дасьлунсӧ, “Выль коронавируснӧй инфекция (COVID-19) паськалӧмкӧд йитӧдын Россия Федерация мутасын олысьяслысь санитарно-эпидемиологическӧй бур оланногсӧ могмӧдан мераяс йылысь” Россия Федерацияса Президентлӧн 2020 во косму тӧлысь 2 лунся 239 №-а Индӧд серти шуа.”;

2) 1-26 пунктъяс гижны тадзи:

“1. Пыртны 2020 во рака тӧлысь 16 лунся 00.00 чассянь Неминучаясысь ӧлӧдан да найӧс бырӧдан ӧтувья канму системалӧн Коми республиканскӧй системаувса веськӧдлан органьяслы да вынъяслы “СОДТӐД ДАСЬЛУН” уджалан режим.

2. Гражданалы, кодъяс ветлісны мутасьясӧ, кӧні пасйӧма выль коронавируснӧй инфекцияӧн висьман (COVID-19) случайяссӧ, да кодъяс бӧр локтісны Коми Республикаӧ:

2.1. 8-800-55-00000 телефон номер пыр веськыд йитӧд пыр юӧртны

асланыс бөр воём, индём мутасьясö ветлан ин, кадпасьяс йылысь, йитчан юöрсö;

2.2. сэк, кор лоисны медводдза респираторнöй симптомьяс, пырысьтöм-пыр шыödчыны гортын сетан медицина отсöгла медицина организацияö ветлытöг;

2.3. кутчысьны гортын изоляция режимын олём йылысь Ньöбысьяслысь инödьяс да мортлысь бур олём дорьян юкöнын федеральнöй дözьöр службалөн Коми Республикаын веськöдланінса чина йöзлөн шуёмьясö, öлödöмьясö да вöзйöмьясö.

3. Коми Республикаö Китайскöй Народнöй Республикаысь, Корея Республикаысь, Италия Республикаысь, Иран Исламскöй Республикаысь, Франция Республикаысь, Германия Федеративнöй Республикаысь, Испания Королевствоысь, а сіджö мукöд канмуысь воысь йöзлы, кöні COVID-19 вöсна лоём коронавируснöй инфекция паськалöмкöд йитчём лёк серпасыс, тайö Индöдлөн 2 пунктөн урчитём мераяс кындзи Россия Федерацияö воан лунсянь 14 лун чöж кадколастö самоизоляцияын овны гортын (оз ков ветлыны удж вылö, велödчыны, этшаджык ветлыны йöзаиньясті).

4. Россия Федерацияса гражданылы, кодьяс олöны Коми Республика мутасын да недыр кад кезлö воёмаöсь Коми Республикаö, кутчысьны ветлöмьясысь, сы лыдын туризм да шойччём могысь.

5. Удж сетысьяслы, кодьяс уджалöны Коми Республика мутасын:

5.1. мерайтны уджалан местаясын уджалысьяслөн вир-йылысь температурасö урчитём пöрадокын вылын температураа йöзöс уджалан местаын уджалöмысь быть дугödöмөн;

5.2. отсавны уджалысьяслы кутчысьны гортын олан самоизоляция режимö;

5.3. Ньöбысьяслысь инödьяс да мортлысь бур олём дорьян юкöнын дözьöр федеральнöй службалөн Коми Республикаын веськöдланінсянь запрос воигөн пырысьтöм-пыр сетны COVID-19 вöсна лоём выль

коронавирусной инфекцияон висьмом морглөн сыон удж серти могьяс олөмө пөртөмкөд йитчөм став йитөд йылысь юөрсө, могмөдны жырьяс дезинфицируйтөмсө, көнi вöли висьысьыс;

5.4. оз ков лэдзны уджалан места вылө да (либө) организациялөн мутасө уджалысьясөс, кодьяс серти примитөма изоляция йылысь санитарной врачьяслөн шуөмьяс.

6. Неминучаясысь өлөдан да найөс бырөдан өтувья канму системалөн Коми республиканской системаувса веськөдлан органьяслы:

6.1. стөчмөдны неминучаясысь өлөдөм да найөс бырөдөм серти уджалан планьяссө;

6.2. пыртны неминучаясысь өлөдан да найөс бырөдан өтувья канму системалөн республиканской системаувлөн веськөдлан органьясса юрнуөдысьяслысь да чина йөзлысь суткичөжся дежурствосө.

7. Вөйыны Россия Федерацияса войтырөс дорьян, неминучаысь видзан да ускөттө бөрын лоөм колясьяссө бырөдан министерстволөн Коми Республикаын медшөр веськөдланінлы:

7.1. урчитны Коми Республикаса олөмө пөртысь власьт органьясөн, федеральной олөмө пөртысь власьт органьяслөн Коми Республика мутасын мутас органьясөн, Коми Республикаын меставывса асвеськөдлан органьясөн тайө Индөд серти мероприятияяс збыльмөдөм йылысь юөр сетан пөрадоксө да кадколастьяссө;

7.2. котыртны олысьяслы неминучаясысь өлөдан да найөс бырөдан өтувья канму системалөн республиканской системаувса веськөдлан органьяслы да выньяслы содтөд дасьлун режим пыртөм да Коми Республикаса олысьяслысь безопасностьсө могмөдан мераяс йылысь йөзөс юөртан средствояс пыр юөртөмсө.

8. Вөйыны Ньөбысьяслысь инөдьяс да мортлысь бур олөм дорьян юкөнын федеральной дөзьөр службалөн Коми Республикаын веськөдланінлы котыртны:

8.1. COVID-19 вөсна лоөм коронавирусной инфекцияысь өлөдөм

вылӧ веськӧдӧм санитарно-противоэпидемическӧй (ӧлӧдан) мероприятиеяс нуӧдӧмсӧ;

8.2. Коми Республикаса олысьяслы йӧзӧс юӧртан средствояс пыр COVID-19 вӧсна лоӧм коронавируснӧй инфекцияысь ӧлӧдан мераяс йылысь юӧртӧмсӧ.

9. Коми Республикаса йӧзлысь дзоньвидзалун видзан министерстволы:

9.1. могмӧдны тайӧ Индӧдлӧн 2, 3 пунктъясын индӧм йӧзлы уджавны вермытӧмлун йылысь листокъяс медицина организациясӧ ветлытӧг оформитны позянлунсӧ;

9.2. котыртны медицина организацияслысь уджсӧ сэтшӧм ногӧн, медым найӧ содтӧд медицина персоналӧс корӧмӧн медводз сетісны медицина отсӧгсӧ гортаныс биа висьӧмӧн висьысьяслы, кодъяслӧн эмӧсь респираторнӧй симптомъяс, кодъяс ветлӧмаӧсь мутасъясӧ, кӧні пасйӧма COVID-19 вӧсна лоӧм выль коронавируснӧй инфекцияӧн висьман случайяссӧ, да 60 арӧсысь ыджыдджык арлыда пациентъяслы;

9.3. могмӧдны медицина организацияслысь, кодъяс сетӧны медицина отсӧгсӧ стационарнӧя да амбулаторнӧя, кодъяс сетӧны регыдъя медицина отсӧг, респираторнӧй симптомъяса висьысьясӧс примитны да налы медицина отсӧг ӧдйӧ сетны, COVID-19 вӧсна лоӧм выль коронавируснӧй инфекция вылӧ туялӧм могысь биологическӧй материал босьтны дасьлунсӧ;

9.4. могмӧдны COVID-19 вӧсна лоӧм коронавируснӧй инфекцияысь ӧлӧдӧм вылӧ веськӧдӧм санитарно-противоэпидемическӧй (ӧлӧдан) мероприятиеяс нуӧдӧмсӧ, сы лыдын медицина организациясын дзескӧдан мероприятиеяс;

9.5. могмӧдны олысьяслы COVID-19 вӧсна лоӧм коронавируснӧй инфекцияысь ӧлӧдан мераяс йылысь юӧртӧмсӧ;

9.6. пыртны COVID-19 вӧсна лоӧм коронавируснӧй инфекцияысь ӧлӧдӧм вылӧ веськӧдӧм дзескӧдан мероприятиеяссӧ организациясын,

кӧні сутки чӧж олӧны челядь.

10. Вӧзйыны Федеральнӧй антимонопольнӧй службалӧн Коми Республикаын веськӧдланінлы Коми Республикаса йӧзлысь дзоньвидзалун видзан министерствокӧд да Коми Республикаса инвестиция, промышленносът да транспорт министерствокӧд ӧтув могмӧдны Коми Республикаса аптекаясн да вузасянінъясын вируссысь бурдӧдан препаратъяс да быдӧнӧс торъя видзан средствояс (маскаяс) вылӧ донъяс мониторингӧмсӧ.

11. 2020 вося косму тӧлысь 30 лунӧдз дугӧдны Коми Республика мутасын культурно-массӧвӧй, зрелищнӧй, спортивнӧй да мукӧд мероприятие.

12. Коми Республикаса вынӧр сӧвмӧдан да спорт министерстволы дугӧдны спортсменъяслысь Россия Федерациялӧн суйӧр сайын да Россия Федерация мутасъясн, кӧні пасйӧма выль коронавируснӧй инфекцияӧн висъман случайяссӧ, нуӧдан спортивнӧй мероприятиясн участвуйтӧмсӧ.

13. Коми Республикаса удж, уджӧн могмӧдан да социальнӧя доръян министерстволы:

13.1. пыртны дзескӧдан мероприятияс, кутшӧмъясӧс веськӧдӧма COVID-19 вӧсна лоӧм коронавируснӧй инфекцияысь ӧлӧдӧм вылӧ:

социальнӧя могмӧдан стационарнӧй да абу стационарнӧй организацияясн;

организацияясн, кӧні сутки чӧж олӧны челядь;

13.2. могмӧдны гражданакод ӧдйӧ йитчӧмсӧ, кодъяс кутчысьӧны самоизоляция режимӧ (65 арӧсысь ыджыдджык арлыда ӧткӧн олысь гражданагы, сьӧкыда ветлысь ӧткӧн олысь гражданагы), сы лыдын тайӧ Индӧдлӧн 2.1 пунктн индӧм веськыд йитӧд пыр;

13.3. могмӧдны гражданагы, кодъяс тайӧ Индӧдлӧн 13.2 пункт серти кутчысьӧны самоизоляция режимӧ, сӧян-юан вайӧм серти ӧдйӧ сетан социальнӧй услугаыс сетӧмсӧ тайӧ Индӧдлӧн 2.1 пунктн индӧм веськыд йитӧд вылӧ воан запросъяссӧ тӧд вылӧ босътӧмӧн;

13.4. Коми Республикаса йӧзлысь дзоньвидзалун видзан министерствосянь тӧдмӧгыс воӧм бӧрын могмӧдны индӧм периодӧ тайӧ Индӧдлӧн 13.2 пункт серти самоизоляция режимӧ кутшӧмъясьсӧ гражданалы олӧм вылӧ колана лекарство препаратъяс, кутшӧмъясьсӧ дон босьттӧг сетӧны врачяслӧн рецептъяс серти либӧ льготнӧй донъяс серти, медицина изделияс вайӧмсӧ, кутшӧмъясьсӧ дон босьттӧг сетӧны врачяслӧн рецептъяс серти;

13.5. могмӧдны социальнӧй отсӧг сетан, канмусянь социальнӧй отсӧг сетан мераяс, челядь вылӧ пособияс, кутшӧмъясьсӧ сетӧны Коми Республикаса оланпастэчас серти, гражданалы, кодъяс лоӧны индӧм мераяс босьтысьясӧн 2020 вося рака тӧлысь 31 лун вылӧ, 2020 вося кӧч тӧлысь 30 лунӧдз кадколаст вылӧ нюжӧдӧмсӧ веськыда шыӧдчытӧг да документъяс сеттӧг;

13.6. могмӧдны гражданалы олан жырйысь да коммунальнӧй услугаысь мынтысьӧм серти социальнӧй отсӧг сетан мераяс мынтӧм да сӧж, кор эм 2 да унджык тӧлысьысь уджйӧз, мый артмӧма гражданалӧн медводдзаысь, олан жырйысь да коммунальнӧй услугаысь мынтысьӧм вылӧ субсидияс сетӧмсӧ.

14. Коми Республикаса велӧдан, наука да том йӧз политика министерстволы:

14.1. Коми Республикаын меставывса асвеськӧдлан органъяскӧд ӧтув уджалӧмӧн тӧдмӧдны став эмбур сикаса велӧдан организациясьсӧ профилактика да дезинфекция мероприятиеяс нуӧдан юалӧмъяс серти Ньӧбысьяслысь инӧд да мортлысь бур олӧм доръян юкӧнын федеральнӧй дӧзьӧр службалӧн Коми Республикаын веськӧдланӧн рекомендациясьсӧн;

14.2. пыртны организациясын, кӧнӧ сутки чӧж олӧны челядь, дзескӧдан мероприятиеяс, кутшӧмъясьсӧ веськӧдӧма COVID-19 вӧсна лоӧм коронавирუსнӧй инфекцияысь ӧлӧдӧм вылӧ;

14.3. меставывса асвеськӧдлан органъяскӧд ӧтув 6 тӧлысь вылӧ

нюждны челядьос дӱзьӱритӱмысь да видзӱмысь, кодъяс ветлӱны Коми Республика мутасын велӱдан организациясӱ, кодъяс збыльмӱдӱны школаӱдз велӱдан уджтас, мынтысьӱмысь компенсация сетӱм йылысь помшӱӱмъяслысь вынсӱ, кутшӱмъяслӱн кадколастыс помасьӱ либӱ помасис 2020 вося рака тӱлысь 15 лунсянь косму тӱлысь 30 лунӱдз;

14.4. котыртны Коми Республика мутасын уджалысь велӱдан организацияс вылӱ 2020 вося косму тӱлысь 12 лунӱдз “Выль коронавируснӱй инфекция (COVID-19) паськалӱмкӱд йитӱдын Россия Федерация мутасын олысьяслысь санитарно-эпидемиологическӱй бур оланногсӱ могмӱдан мераяс йылысь” Россия Федерацияса Президентлӱн 2020 во косму тӱлысь 2 лунся 239 №-а Индӱдлӱн вын паськалӱм йылысь помшӱӱмсӱ Россия Федерацияса Веськӱдлан котыркӱд сӱгласуйтӱм серти уджсӱ;

14.5. котыртны 2020 вося косму тӱлысь 13 лунсянь Коми Республикаса велӱдан, наука да том йӱз политика министерстволӱн ведомствоувса ӱтув велӱдан, шӱр тшупӱда уджсикасӱ велӱдан, содтӱд тӱдӱмлун сетан, вылыс тшупӱда велӱдан организациясыс велӱдан уджсӱ дистанционнӱя велӱдан технологиясӱн вӱдитчӱмӱн;

14.6. Коми Республикаса удж, уджӱн могмӱдан да социальнӱя дорьян министерствокӱд да меставывса асвеськӱдлан органьяскӱд ӱтув котыртны Коми Республикаын канму да муниципальнӱй велӱдан организациясыс, кодъяс збыльмӱдӱны улыс тшупӱда ӱтув велӱдан уджтасьяс, урчитӱм пӱрадокын гӱля олысьясӱн шуӱм семьясысь 1 – 4 классьясын велӱдчысьяслы, общеобразовательнӱй организациясыс да шӱр тшупӱда уджсикасӱ велӱдан организациясыс велӱдчысьяслы, а сӱдзжӱ общеобразовательнӱй организациясыс да шӱр тшупӱда уджсикасӱ велӱдан организациясыс дзоньвидзалунын дзескӱдӱм позянлуна велӱдчысьяслы 2020 вося рака тӱлысь 16 лунсянь дистанционнӱя велӱдан технологиясӱн вӱдитчӱмӱн занятияс нуӱдан луньясӱ вежон вылӱ кос прӱдуктовӱй набор сетӱм серти уджсӱ.



15. Коми Республикаса культура, туризм да архив удж министерстволы котыртны 2020 во косму тӧлысь 13 лунсянь Коми Республикаса культура, туризм да архив удж министерстволӧн ведомствоувса шӧр тшупӧда уджикасӧ велӧдан, содтӧд тӧдӧмлун сетан организациясын велӧдан уджсӧ дистанционнӧя велӧдан технологиясӧн вӧдитчӧмӧн.

16. Коми Республикаын муниципальной юкӧнъяслӧн меставывса асвеськӧдлан органъяслы:

16.1. 2020 вося косму тӧлысь 30 лунӧдз дугӧдлыны лӧсялана мутасьясын культурно-массӧвӧй, зрелищнӧй, спортивнӧй да мукӧд мероприятие нуӧдӧмсӧ;

16.2. вӧзйыны йӧзӧс юӧртан средствояс пыр лӧсялана муниципальной юкӧнъяслӧн мутасьясын олысь йӧзлы кутчысьны мутасьясӧ ветлӧмьясысь, кӧнӧ COVID-19 вӧсна лӧӧм коронавируснӧй инфекциякӧд йитчӧм санитарно-эпидемиологическӧй серпасыс лӧк;

16.3. котыртны мониторинг сы серти, эмӧсь-ӧ лӧсялана муниципальной юкӧнлӧн мутасын аптекаясын да вузасянӧнъясын вируссысь бурдӧдан препаратъяс да быдӧнӧс торъя видзан средствояс (маскаяс), муниципальной юкӧнъяслӧн ӧтувъя дежурнӧй диспетчерскӧй службасӧн вӧдитчӧмӧн;

16.4. активизируйтны собраниеяс, сӧвещаниеяс да татшӧмсяма мукӧд мероприятие дистанционнӧя нуӧдан ногъяс пыртӧмсӧ ӧтув вӧдитчан связь везъясӧн вӧдитчӧмӧн;

16.5. сӧк, кор эм бать-мамлӧн либӧ оланпас серти мукӧд петкӧдлысьлӧн лӧсялана помшум, кодъяс индӧм периодӧ уджалӧны “Выль коронавируснӧй инфекция (COVID-19) паськалӧмкӧд йитӧдын Россия Федерация мутасын олысьяслысь санитарно-эпидемиологическӧй бур оланногсӧ могмӧдан мераяс йылысь” Россия Федерацияса Президентлӧн 2020 во косму тӧлысь 2 лунся 239 №-а Индӧдлӧн 4 пункт серти, могмӧдны школаӧдз велӧдан организациясын дежурнӧй

группаяслысь уджсö индöм группаясын санитарнöй режимö кутчысьöмön;

16.6. котыртны 2020 вося косму тöлысь 13 лунсянь общеобразовательнöй организациясын да содтöд тöдöмлун сетан организациясын велöдан уджсö дистанционнöя велöдан технологиясöн вöдитчöмön.

17. Вöзйыны Коми Республикаын пытшкöс делöяс министерстволы котыртны Ньöбысьяслысь инöд да мортлысь бур олöм дорян юкöнын федеральнöй дöзьöр службалön Коми Республикаын веськöдланінлы санитарно-противоэпидемическöй мероприятияс нуöдöмсö могмöдан юкöнын колана отсöг сетöмсö.

18. Юридическöй кывкутысьяслы да ашшöр уджалысьяслы, кодъяс уджалöны вузаян объектъясын, новлöдлöны кöрт туй, сынöд, автомашина транспортön, пыр нуöдны дезинфекция серти мероприятияс, пуктыны пыранінъясö да уна йöза иньясö антисептической средствояс, сувтöдны сынöд сöстöммöдан устройствояс (эм кö позянлун).

19. Недыр кад кежлö дугöдны:

19.1. 2020 во рака тöлысь 28 лунся 00.00 чассянь 2020 во косму тöлысь 30 лунся 24.00 часöдз:

1) ресторанъяслысь, кафеяслысь, столöвöйяслысь, буфетъяслысь, баръяслысь, закусочнöйяслысь да йöзöс öтув вердан мукöд предприятиелысь уджсö, гражданаön татшöм предприятиеслön жыръясö волытöг петкöдöм вылö могмöдöм, а сіджö заказъяс вайöм кындзи.

Тайö дзескöдöмыс оз паськав столöвöйяс, буфетъяс да вердан мукöд предприятие вылö, кутшöмъяс котыртöны организациясын уджалысьясöс вердöмсö, а сіджö организацияс вылö, кöні сутки чöж олöны йöз;

2) торйön вузаян объектъяслысь, кодъяс вöдитчöны гражданаös могмöдöм вылö вузаян зальясön, вузаян да вузаян-гажöдчан шöринъяслысь уджсö, на кындзи:

аптекаяс да аптека пунктъяс;

торйөн вузасын объектъяс сёян-юан вузос да (либө) медводз колана абу сёян-юан вузос вузалан юкёнын;

сотөвöй связь салонъяс (клиентъясöс могмөдан пунктъяс), кодъяс примитöны олысьясынь мынтöмъяс да бырөдöны абонентскöй устройствояслысь техникескöй торксьöмъяссö, кодъяслөн эм торъя пыранін да кодъяс сетöны сöмын торъя связь услугаяс;

дистанционнöя вузос вузалөм, сы лыдын вайöмөн, сы лыдын торйөн вузасын организациясөн, кöні недыр кад кежлö дугөдöма гражданаöс могмөдөм вылö вузасын залъясөн вöдитчöмсö;

3) мичмөдчан салонъяслысь, косметическöй, СПА-салонъяслысь, массажнöй салонъяслысь, солярийяслысь, пивсянъяслысь, саунаяслысь да мукөд объектлысь уджсö, кöні сетöны татшöмсяма услугаяссö да олысьясöс бытөвöя могмөдан мукөд услугасö, кутшöмъяс урчитöны гражданагысь очнöя воёмсö, услугаяс кындзи, кутшöмъясöс сетöны дистанционнöя, сы лыдын вайöмөн;

4) прөст кад коллялан, гажөдчан, зрелищнöй, культурнöй, физкультурнöй, спортивнöй, выставочнöй да татшöмсяма мукөд организациялысь уджсö, сы лыдын войын уджалысь клубъяслысь (дискотекаяслысь) да татшöмсяма мукөд объектлысь, кинотеатръяслысь (кинозалъяслысь), челядылы ворсан вежöсьяслысь да гажөдчан шöринъяслысь, гажөдчан да прөст кад коллялан мукөд заведениелысь.

19.2. 2020 во рака тöлысь 30 лунся 00.00 чассянь 2020 во лөддзаномья тöлысь 1 лунся 24.00 часөдз:

1) туй морт керкаясын, туристическöй базаясын да мукөдлаын, кöні меститöны уна йöзöс, сы лыдын челядылы лагеръясын, санитарно-курортнöя бурдөдан да шойччан объектъясын, местаяс бронируйтöмсö, сэні гражданаöс примитöмсö да овмөдөмсö, татшöм случай кындзи:

туй морт керкаясын позьö примитны да овмөдны гражданаöс, кодъяс служебнöй командировкаясын либө служебнöй ветлöмын, авиакомпаниясын уджалысьясöс, кодъяслөн уджыс йитчöма ветлөмкөд,

сэк, кор петкӧдлӧны служебнӧй ветлӧмсӧ эскӧдысь документъяс (шуам, командировкаӧ ыстӧм йылысь тшӧктӧд).

На серти, кодъяс олӧны нин сӧні, вылынджык индӧм организацияяслы колӧ нуӧдны колана санитарно-эпидемиологическӧй мероприятиеяс да лӧсьӧдны самоизоляция вылӧ условиеяссӧ, вӧзйыны олысьяслы, медым найӧ эз петны меститчанӧнлӧн номерьясысь коланлунтӧг;

2) горнолыжнӧй трассаясылы да уна йӧза мукӧд шойччан объектлысь уджсӧ.

20. 2020 во рака тӧлысь 31 лунся 00.00 часянь 2020 во косму тӧлысь 30 лунся 24.00 часӧдз гражданагы, кодъяс олӧны Коми Республика мутасын да (либӧ) недыр кад кежлӧ воисны Коми Республикаӧ, оз позь мунны асланыс оланӧнъясысь (овланӧнъясысь), татшӧм случайяс кындзи:

сэк, кор колӧ шыӧдчыны экстреннӧй (эновтны позьтӧм) медицина отсӧгла, да сэк, кор эм олӧмлы да дзоньвидзалунлы мӧд сикас веськыд грӧз;

сэк, кор колӧ мунны (локны) уджалан места вылӧ (уджалан местаысь) (сы лыдын удж вылысь), кутшӧмӧс недыр кад кежлӧ абу дугӧдӧма “Россия Федерацияын уджавтӧм луньяс индӧм йылысь” Россия Федерацияса Президентлӧн 2020 во рака тӧлысь 25 лунся 206 №-а Индӧд, “Выль коронавируснӧй инфекция (COVID-19) паськалӧмкӧд йитчӧм Россия Федерация мутасын олысьяслысь санитарно-эпидемиологическӧй бур оланногсӧ могмӧдан мераяс йылысь” Россия Федерацияса Президентлӧн 2020 во косму тӧлысь 2 лунся 239 №-а Индӧд, тайӧ Индӧд серти, пропуск подув вылын, кутшӧмӧс сетӧны Коми Республикаса Юралысьлӧн Администрацияӧн урчитӧм форма серти да пӧрадокын;

сэк, кор колӧ вӧчны удж, мый йитчӧма Коми Республика мутасти ветлӧмкӧд, сэк, кор татшӧм ветлӧмыс веськыда йитчӧма удж вӧчӧмкӧд, мый недыр кад кежлӧ абу дугӧдӧма тайӧ пунктлӧн коймӧд абзацын индӧм нормативнӧй инӧда актъяс серти (сы лыдын транспорт услугаяс да вайӧм

серти услугаяс сетӧм);

сэк, кор колӧ мунны вузӧс, уджъяс, услугаяс ньӧбан медся матысса инӧдз, кутшӧмъясӧс абу дзескӧдӧма тайӧ Индӧд серти;

сэк, кор колӧ гуляйтӧдны гортса пемӧсьяссӧ оланінсянь (овланінсянь) 100 метрысь оз ылынджык;

сэк, кор колӧ петкӧдны шыбласъяс найӧс чукӧртан медся матысса инӧдз.

Тайӧ пунктӧн урчитӧм дзескӧдӧмъясыс оз паськавны медицина отсӧг сетан случайяс вылӧ, инӧд видзан органъяслӧн, войтырӧс доръян да неминучаясысь видзан органъяслӧн да налӧн ведомствоувса организацияслӧн, ньӧбысьяслысь инӧдъяс да мортлысь бур олӧм доръян юкӧнын дӧзьӧр нуӧдысь органъяслӧн, мукӧд органлӧн удж вылӧ сэтшӧм удж юкӧнын, кутшӧмъясӧс веськыда веськӧдӧма гражданысь олӧм, дзоньвидзалун да мукӧд инӧд да вӧля дорйӧм, сы лыдын удж мыж вӧчӧмлы паныд нуӧдӧм вылӧ, ӧтйӧза пӧрадок, эмбур видзӧм да ӧтйӧза видзчысянлунсӧ могмӧдӧм вылӧ.

21. Урчитны, мый 2020 во рака тӧлысь 31 лунся 00.00 чассянь 2020 во косму тӧлысь 30 лунся 24.00 часӧдз Коми Республика мутасын муниципалитетъяс костын пассажиръясӧс да туй кӧлуйсӧ автомашина транспортӧн оз кутны новлӧдлыны, на кындзи:

муниципалитеткостса маршрутъясті пассажиръясӧс да туй кӧлуйсӧ пыр новлӧдлӧмъяс, кутшӧмъясӧс вынсьӧдӧма 2019-nCoV выль коронавируснӧй инфекция паськалӧмлы паныд удж нуӧдан республиканскӧй ведомствокостса оперативнӧй штабӧн (водзӧ – Оперативнӧй штаб) торъя мутасъясын санитарно-эпидемиологическӧй серпас тӧд вылӧ босьтӧмӧн;

медицина организацияӧ мунӧм, медым босьтны энотны позьтӧм медицина отсӧг;

гуалӧм вылӧ ветлӧм;

Оперативнӧй штаблӧн помшуӧм серти мукӧд случай торъя

мутасьясын санитарно-эпидемиологическӧй серпас тӧд вылӧ босьтӧмӧн.

22. Недыр кад кежлӧ дугӧдны 2020 во рака тӧлысь 31 лунся 00.00 чассянь 2020 во косму тӧлысь 30 лунся 24.00 часӧдз Коми Республикаса олӧмӧ пӧртысь власьт органьяслӧн, меставывса асвеськӧдлан органьяслӧн жырьясын да канму да муниципальной услугаяс сетан уна мога шӧриньясын канму да муниципальной услугаяс сетӧмсӧ, сэтшӧм услугаяс кындзи, кутшӧмьясӧс позьӧ сетны сӧмын индӧм жырьясын, кутшӧмьясӧс колӧ энвотны позьтӧг решитны, сэк, кор могмӧдны гражданаӧс водзвыв гижӧдӧмсӧ. Та дырйи канму услугаяссӧ, кутшӧмьясӧс позьӧ сетны электроннӧя, сетӧны сӧмын электроннӧя.

23. Коми Республикаса олӧмӧ пӧртысь власьт органьяслы юӧртны Россия Федерацияса войтырӧс дорьян, неминуच्याсысь видзан да ускӧттӧ бӧрын лоӧм колясьяс бырӧдан министерстволӧн Коми Республикаын медшӧр веськӧдланінӧ тайӧ Индӧдӧн урчитӧм мероприятияс олӧмӧ пӧртӧм йылысь, медым водзӧ юӧртны Коми Республикаса Юралысьлы.

24. Вӧзйыны федеральной олӧмӧ пӧртысь власьт органьяслӧн Коми Республика мутасын мутас органьяслы, Коми Республикаын меставывса асвеськӧдлан органьяслы юӧртны Россия Федерацияса войтырӧс дорьян, неминуच्याсысь видзан да ускӧттӧ бӧрын лоӧм колясьяс бырӧдан министерстволӧн Коми Республикаын медшӧр веськӧдланінӧ тайӧ Индӧдӧн урчитӧм мероприятияс олӧмӧ пӧртӧм йылысь, медым водзӧ юӧртны Коми Республикаса Юралысьлы.

25. Тайӧ Индӧдсӧ олӧмӧ пӧртӧм бӧрся видзӧдны Оперативной штабӧн юрнуӧдысьӧс вежысьлы.

26. Урчитны, мый тайӧ Индӧдлӧн положениеясӧн вӧдитчӧмсӧ гӧгӧрвоӧдӧ Оперативной штаб.”;

3) содтыны татшӧм сюрӧса 27 пункт:

“27. Тайӧ Индӧдыс вынсялӧ сійӧс официальной йӧзӧдан лунсянь.”.